



ANUGA 2021

Colonia (Alemania)

2021eko URRIAK 9-13

Informazio gehiago:

Udane Alzola
688 81 03 44
ualzola@hazi.eus

Tokia: KölnMesse - Colonia, Alemania

Maiztasuna: bi urtean behin

Bisitariaren profila: elikadura industriaren profesionalak oro har (supermerkatu kateak, banatzaileak, handizkariak eta txikizkariak)

Izena emateko epea: 2021eko martxoaren 12

Azokaren webgunea: www.anuga.com

Eusko Jaurlaritzako Ekonomiaren Garapen, Jasangarritasun eta Ingurumen Sailak, Elikaduraren Euskal Industria kanpoan sustatzen laguntzeko jardueren barruan, **ANUGA 2021** azokan Euskadiko elikagaien enpresen baterako parte hartzea antolatu du HAZIren bitartez.

Egungo egoera dela eta, deialdi honetan adierazten diren datu guztiak **behin betiko egiaztatu gabe** daude, denak COVID-19ak eragindako osasun baldintzen eta azokaren antolakuntzak zehazten duen segurtasun protokoloaren menpe baitaude.

PARTE HARTZEKO BALDINTZAK



Parte hartu nahi duten enpresa **ekoizleek** Euskal Autonomia Erkidegoan izan beharko dute egoitza soziala, eta Ekonomiaren Garapen, Jasangarritasun eta Ingurumen Saileko Elikadura Industrien Erregistroan inskribatuta egon behar dute.

Behin enpresak baieztatzen badu azokara joango dela, izen emate fitxa eta ordainketaren ziurtagiria bidaliz, ordaindutako kopuru hori ez da itzuliko azoka egiten bada eta Eusko Jaurlaritzak bertan parte hartzen badu. Azoka ez bada egiten, berriz, HAZik dagokion kopurua itzuliko du.

Azokaren aurretik

- Enpresaren ordezkari baten aldetik joateko konpromisoa eta kuota ordaintzea; beraz, Euskadiko standean sartuko dela jakinarazten denetik ezingo da ekitaldian baja eman.
- Muntatzen den egunean enpresak derrigor egon behar dira, esaten zaien orduan merkantzia jasotzeko, eta beraien erakustokien dekorazioa amaitzeko, jardunaldia hasi baino lehenago.

Azokan zehar

- Azokan Euskal Autonomia Erkidegoan fabrikatutako produktuak baino ezingo dira erakutsi. Ezin izango dira, inola ere, beste Autonomia Erkidego batzuetako produktuak aipatu, ezta aurkeztu ere.
- Standetan azokako egun guztietan eta zabalik dagoen ordu guztietan eman behar da arreta.
- Azoka amaitzerakoan produktu guztiak behar bezala jaso eta standeko elementuak entregatu, jaso ziren egoera berberetan.

Enpresa batek azokaren ordutegi ofizialean standean arreta emateari uzten badio, salbuespenezko arrazoi justifikaturik gabe, azokaren hurrengo ediziorako lehentasunezko eskubidea galduko du (izena ematearen hurrenkera, etab.). Haren eskariari bakarrik erantzungo zaio baldin eta leku librerik badago izena emateko eta ordaintzeko datetan, egindako gainerako eskari guztiei erantzun eta gero.

Halaber, enpresa batek edo batzuek standa hutsik uztearen ondorioz antolakuntzak zigorren bat jartzen badio Eusko Jaurlaritzari –parte hartze bateratuaren antolatzailea den heinean–, zigor hori berehala jasanaraziko zaio/zaie arau haustea egin du(t)en enpresari edo enpresei.

Azokaren ondoren

- **Ebaluazio galdetegia** bete eta eskatzen zaie-nean entregatu.

PARTE HARTZEKO EREDUA ETA KOSTUA



Parte hartzearen kostua

Eusko Jaurlaritzako Ekonomiaren Garapen, Jasangarritasun eta Ingurumen Sailak EAEko lehen sektorearen produktua eraldatu eta merkaturatzen duten enpresen parte hartzea bultzatuko du.

1. Motako Enpresa

Batez ere Euskadiko lehengaiz hornitzen diren enpresak. Enpresak produktuaren jatorria egiaztatzen beharko du.

- **Stand Indibiduala = 1.600 € + %21 BEZ**

2. Motako Enpresa

Euskadin behar duten lehen sektoreko produkzio-rik egon ez, eta Euskaditik kanpoko lehengaiak erabiltzen dituzten enpresak.

- **Stand Indibiduala = 3.200 € + %21 BEZ**

3. Motako Enpresa

Batez ere Euskadiko lehengaiz hornitzen EZ diren enpresak, Euskadin behar duten lehen sektoreko produkzioa egonda ere.

- **Stand Indibiduala = 4.800 € + %21 BEZ**

Izena emateko kuota ordainketa eta faktura bakarrean egingo da.

Parte hartzeko eredua

Zain gaude azokaren antolakuntzak zein segurtasun protokolo ezarriko dituen; beraz, datu hauek gutxi gorabeherakoak dira, eta aurrerago baieztatuko dira.

Eusko Jaurlaritzak aurreikusten du 2019. urtean izandako antzeko espazio bat izango duela, hau da, 100 m² inguru.

Eusko Jaurlaritzaren standak gehienez ere enpresa kopuru bat hartu ahal izango du. Interesa duten enpresa gehiago baldin badaude, hautaketa bat egingo da, izen ematearen hurrenkera zorrotz jarraituz.

Bestalde, Eusko Jaurlaritzaren presentzia interesa duten enpresen kopuruaren mende egongo da, bai eta azokaren antolakuntzak ezarritako segurtasun protokoloaren mende ere.

Oharrak:

1. Stand bikoitza edo hirukoitza esleitzeko irizpidea enpresa parte hartzaileen kopurua izango da.
2. Euskal Autonomia Erkidegoko lehen sektorearen produktua eraldatu eta merkaturatzen duten enpresen parte hartzea bultzatuko da.
3. Standaren neurri zehatzak azokak segurtasun protokoloa baieztatzen duenean jakinaraziko dira.

EUSKO JAURLARITZAREKIN PARTE HARTZEA



Izena emateko epea: 2021ko matxoaren 12a

Parte hartu nahi baduzu, eta leku kopurua mugatua denez, gomendatzen dugu lehenbailehen izena emateko formularioa betetzea eta eskatutako dokumentuak bidaltzea helbide honetara: ualzola@hazi.eus

Enpresa parte hartzaileen hautaketa izena emateko dokumentuak jasotzen diren hurrenkeraren arabera egingo da, kontuan hartuta leku kopurua mugatua izango dela eta azokaren antolakuntzak ezartzen dituen segurtasun protokoloen arabera.

Eusko Jaurlaritzaren presentzia ere interesa duten enpresa kopuruaren arabera izango da, eta ezarritako gutxienekoa bete beharko da.

IZENA EMATEKO FORMULARIOA BETE

Fitxa horretatik bertatik transkribatuko dira datuak azokaren katalogo ofizialerako, standaren errotulurako eta sustapenerako lantzen diren gainerako elementuetarako.

Behin enpresak baieztatzen badu azokara joango dela, izen ordaindutako kopurua ez da itzuliko azoka egiten bada. Azoka ez bada egiten, berriz, HAZIk dagokion kopurua itzuliko du.

IZENA EMATEKO KUOTAREN ORDAINAGIRIA

Ordainketa banku transferentzia bidez egingo da:

Kontu zenbakia: ES49 3035-0179-61-1791069900 Laboral Kutxa, HAZI Fundazioaren izenean

Kontzeptua: **"Enpresaren izena + ANUGA 2021"**.

ZINPEKO ADIERAZPENA

Derrigorrezkoa da enpresa eskatzaileek Zinpeko Adierazpen bat aurkeztea lehengaiaren jatorriari buruz, sinatuta eta zigiluarekin.

IZENA EMATEKO AZKEN EGUNA: 2021eko martxoaren 12a

HAZIk Finantza Departamentuak dagokion zenbatekoaren faktura igorriko dizue, izena emateko epea amaitu eta parte hartzea baieztatu eta gero.

EUSKO JAURLARITZAREKIN PARTE HARTZEA



GARRANTZITSUA:

Eskatutako dokumentuak bidaltzeak **EZ DU ESAN NAHI** enpresak azokan parte hartuko duenik. **Izena emateko epea amaitzen** denean **BAIEZTATUKO** da parte hartzea (**2021ko martxoaren 12a**).

ENPRESAK FAKTURA JASO ETA GERO, HAU DA, STANDEAN SARTU DELAKO JAKINARAZPENA JASO ETA GERO, PARTE HARTZEARI UKO EGITEN BADIO, ORDAINDUTAKOAREN %100 GALDUKO DU.

Enpresek ordaindutako zenbatekoak itzultzeko kasu hauek baino ez dira kontuan hartzen:

- Enpresa erakusleek eskatutako gunea Azokaren Antolakuntzak Eusko Jaurlaritzari esleitutako gunea baino **handiagoa bada**, hautatu ez diren enpresek eskubidea izango dute aurrez izena emateko kuota itzultzeko.
- Eusko Jaurlaritzak halabeharrez edo nahiko partaiderik ez dagoelako parte hartzea bertan behera uzten badu, enpresek eskubidea izango dute ordaindutakoaren %100 jasotzeko.

ESKAINITAKO ZERBITZUAK



Espazioa kontratatzea

Espazio batekin parte hartuko da, zeina interesa duten enpresen artean banatuko baita, azokaren antolakuntzak ezarritako osasun neurrien eta segurtasun protokoloen arabera.

Pabiloiaren dekorazioa

Standak izango duen oinarritzko dekorazioa eta altzariak azokaren antolakuntzak ezartzen dituen osasun neurriak eta protokoloak jakitean jakinaraziko dira.

COVID-19ak eragindako egoera dela eta, standaren dekorazioa ez da aurreko urteetako izango. Dekorazio sinpleagoa eta modularragoa aurreikusten da, COVID-19aren bilakaeraren arabera landu daitekeena.

Pabiloia mantentzea (garbiketa, elektrizitatea, ura, etab.)

Eusko Jaurlaritzak bere gain hartzen ditu garbiketako zerbitzu orokorrak, elektrizitatea, ura, etab., eta, oro har, pabiloia egoki mantentzeko lanak. Hala ere, enpresa bakoitzaren ardura izango da norbere stand garbiketa aldetik baldintza egokietan mantentzea.

Stand bakoitzerako potentzia elektrikoko tope batzuk eta gehieneko kontsumo batzuk egongo dira, eta horren berri jakinaraziko zaie erakusketakideei parte hartzea prestatzeko tramiteak hasten direnean.

Oharra: oinarritzko altzariak, elementu elektrikoak edo behar elektrikoak aldatzen badira, kostuaren igoera edo aldaketa eragiten badu, dekoratzaileak zuzenean fakturatuko dio enpresa erakusleari, eta enpresa horren kontu izango da zenbatekoaren igoera.

Merkantziaren garraioa

Eusko Jaurlaritzak merkantziaren bidalketa bateratu bat antolatuko du esleitutako garraiolari ofizialak adierazten duen lekutik merkantzia standean bertan entregatu arte. Ez da itzultzeko garraiorik antolatuko.

Garraiolariak egingo du merkantzia bidaltzearen kostuaren faktura, eta enpresa erakusleak ordainduko du oso-osorik.

Bere garaian, esleipena duen enpresa garraiolariaren datuak emango dira. Esaten zaien orduan, enpresak derrigor egon behar dira merkantzia jasotzeko, eta beraien erakustokien dekorazioa amaitzeko, ekitaldia hasi baino lehenago.

Hotz kamerak eta beste etxetresna elektriko batzuk

Enpresak eskatutako hotz ganberen edo bestelako etxetresna elektrikoen alokairua enpresak berak ordainduko du. Dena dela, Eusko Jaurlaritza enpresen esanetara egongo da zerbitzu horren kontratazioa koordinatzeko, eta hornitzaileak enpresari fakturatuko dio zuzenean.

Azokaren katalogo ofizialean sartzea

Eusko Jaurlaritzak behar diren tramite guztiak egingo ditu enpresa guztiak azokaren webgune ofizialean eta katalogo ofizialean ager daitezen (IZENA EMATEKO FORMULARIOAN jasotako datuak agertuko dira).